

IZAZOVI I INOVACIJE U JAVNIM NABAVKAMA

PRAVNA PRAKSA, DIGITALNA RJEŠENJA I
NOVE TEHNOLOGIJE U SLUŽBI
EFIKASNIJIH NABAVKI

 Mjesto: Hotel Vapore, Neum

 Datum: 01. – 03. 10. 2025.

ORGANIZATOR:



SPONZOR:





Opis seminara:

Seminar „Izazovi i inovacije u javnim nabavkama“ okuplja vrhunske stručnjake iz oblasti prava, strategije i tehnologije kako bi učesnicima ponudio sveobuhvatan uvid u aktuelna pitanja i buduće pravce razvoja sistema javnih nabavki.

Kroz tri dana predavanja i diskusija bit će obrađene ključne teme: pregled najnovije prakse URŽ i Suda BiH, odgovornost učesnika u svim fazama postupka, strateški okvir razvoja javnih nabavki 2024–2028, te praktična primjena umjetne inteligencije u svakodnevnom radu. Posebna pažnja posvetit će se i pitanjima cyber sigurnosti i usklađenosti sa GDPR regulativom.

Seminar pruža jedinstvenu priliku da se učesnici upoznaju s inovativnim rješenjima, razmijene iskustva i dobiju konkretne smjernice za unapređenje transparentnosti i efikasnosti javnih nabavki.

Kome je seminar namijenjen

Seminar je namijenjen svima koji žele razumjeti, provoditi i nadzirati javne nabavke na zakonit, efikasan i transparentan način – u skladu s aktuelnom pravnom praksom i novim tehnološkim rješenjima.

Ako ste rukovodilac ugovornog organa, službenik koji priprema tendersku dokumentaciju, član komisije za javne nabavke ili šef sektora za nabavke – ovaj seminar donosi upravo ono što vam treba: konkretne odgovore, praktična rješenja i pregled inovacija koje će obilježiti naredni period.

Također je izuzetno koristan za pravnike, advokate, novinare, kao i za ponuđače i druge privredne subjekte koji učestvuju u postupcima javnih nabavki i žele bolje razumjeti svoja prava, obaveze i načine pravne zaštite. Poseban naglasak stavljen je i na nove mogućnosti koje donose umjetna inteligencija i digitalna rješenja, te na sigurnost i zaštitu podataka u skladu s GDPR regulativom.

Bez obzira na to jeste li upravljač nabavnog procesa, pravni stručnjak, IT analitičar ili ponuđač – ovaj seminar pruža znanje i alate koji će vam pomoći da radite sigurnije, brže i uspješnije.

Ako se u svakodnevnom radu suočavate s pitanjima poput: „Kako izbjeći greške u svim fazama postupka?“, „Šta ako stigne žalba?“, „Na koji način AI može unaprijediti naš rad?“ ili „Kako zaštititi podatke i uskladiti se s GDPR-om?“ – ovo je prava prilika da dobijete odgovore iz prve ruke.

Naši predavači:



ĐENAN SALČIN

Poslovni konzultant s dugogodišnjim iskustvom u javnim nabavkama, bivši direktor Agencije za javne nabavke BiH. Njegovo znanje obuhvata i zakonodavne okvire i praktične procese – idealan spoj teorije i prakse.



ADMIR ĆEBIĆ

Pomoćnik direktora Agencije za javne nabavke BiH za pravne poslove, obuku i analizu. Specijaliziran za pravnu zaštitu, tumačenje novih zakonskih instituta i edukaciju aktera u sistemu javnih nabavki.



DARIO KIHLI

Šef Grupe za IT u Agenciji za javne nabavke BiH, ključna osoba za razvoj i unapređenje sistema e-Nabavki. Donosi uvid u nove module, funkcionalnosti i rad s otvorenim podacima.



MILICA PRANJIĆ

Pravni savjetnik za upravne sporove u Sudu BiH s dugogodišnjim iskustvom u oblasti javnih nabavki i sudskoj praksi. Bila je član Radne grupe za izmjene Zakona o javnim nabavkama.



BRANISLAV JAVORAC

Menadžer sektora za javne nabavke i prodaju ICT rješenja u kompaniji Alf-Om, sa više od 25 godina iskustva u IT sektoru i najcertificiraniji ponuđač u BiH za javne nabavke. Aktivno doprinosi razvoju strateških i inovativnih rješenja za digitalizaciju javnog sektora

AGENDA

Srijeda, 01.10.2025.

- 15:00 – 15:15** Registracija učesnika i uvodni govor
- 15:15 – 16:15** **Đenan Salčin**
Izazovi i odgovornosti u svim fazama javne nabavke – od ideje do ugovora
- 16:15 – 17:15** **Branislav Javorac**
Cyber sigurnost i GDPR: Kako softver štiti vaše podatke & AI u javnim nabavkama: od pitanja i pojašnjenja do brzih odgovora
- 20:00** *Neformalno večernje druženje – terasa hotela Vapore*

Četvrtak, 02.10.2025.

- 09:00 – 10:30** **Dario Kihli**
Umjetna inteligencija u praksi: pretraga, alati i poslovna primjena
- 10:30 – 10:45** *Kafe pauza*
- 10:45 – 12:15** **Admir Ćebić**
Strategija javnih nabavki 2024–2028 – od planiranja do izvještavanja
- 12:15 – 13:45** **Milica Pranjić**
Pregled novije prakse URŽ i Suda BiH
- 14:00** *Ručak*

Petak, 03.10.2025.

- 10:00 – 10:45** Tombola s nagradama 🎁
- 10:45 – 11:00** Završna riječ i podjela certifikata

DETALJNIJE O TEMAMA SEMINARA

1. Izazovi i odgovornosti u svim fazama javne nabavke – od ideje do ugovora

Svaki postupak javne nabavke sastoji se od niza koraka, a svaki od njih ima svoju težinu i rizike. Tema će obraditi ključne faze – od izrade tehničke specifikacije pa do realizacije ugovora – s naglaskom na najčešće izazove i greške koje se mogu pojaviti. Poseban fokus bit će na tome kako odgovoran pristup i jasno definirane uloge mogu smanjiti prostor za propuste i unaprijediti cijeli proces.

3. Strategija javnih nabavki 2024–2028 – od planiranja do izvještavanja

Strategija javnih nabavki predstavlja okvir koji usmjerava razvoj i unapređenje sistema u narednom periodu. Tema će obraditi ključne elemente strategije – od situacione analize i određivanja glavnih oblasti djelovanja, preko definisanja ciljeva i godišnjih akcionih planova, pa sve do implementacije, monitoringa i izvještavanja. Fokus će biti na tome kako se ovi elementi povezuju u cjelinu i kako njihova dosljedna primjena može doprinijeti efikasnijim i transparentnijim javnim nabavkama.

2. Umjetna inteligencija u praksi: pretraga, alati i poslovna primjena

Tema će na praktičan način objasniti kako funkcioniraju AI-bazirane pretrage i šta stoji iza popularnih rješenja (osnovne tehnologije poput velikih jezičkih modela i vektorskog pretraživanja). Kroz primjere s javno dostupnim servisima prikazat će se kako pronaći relevantne informacije i riješiti konkretne poslovne zadatke. Usporedit ćemo besplatna i javno dostupna AI rješenja (npr. ChatGPT, Copilot i sl.), njihove prednosti i ograničenja, uz smjernice za odabir alata prema oblasti. Na kraju slijedi demonstracija novog javno dostupnog produkcijskog sistema i step-by-step prikaz pronalaska željenih podataka, od upita do upotrebljivog rezultata.

4. Pregled novije prakse URŽ i Suda BiH"

Tema donosi pregled najnovijih odluka i stavova Ureda za razmatranje žalbi i Suda BiH, s fokusom na pitanja od posebnog značaja za ugovorne organe i ponuđače. Kroz analizu recentne prakse istaknut će se trendovi u odlučivanju i ključne pouke za svakodnevni rad u oblasti javnih nabavki.

5. Cyber sigurnost i GDPR: Kako softver štiti vaše podatke

Zaštita podataka postaje sve važnija u digitalnom poslovnom okruženju. Tema donosi pregled najsuvremenijih softverskih rješenja koja pomažu u osiguranju povjerljivosti i integriteta podataka te u usklađivanju s GDPR regulativom. Poseban naglasak bit će na praktičnim aspektima korištenja ovih rješenja u radu javnih institucija i ugovornih organa.

6. AI u javnim nabavkama: od pitanja i pojašnjenja do brzih odgovora

Umjetna inteligencija nudi nove mogućnosti za unapređenje komunikacije između ponuđača i ugovornih organa. Tema će kroz konkretne primjere prikazati kako AI može pomoći pri formuliranju efikasnih pitanja i žalbi na tendersku dokumentaciju, kao i pri davanju brzih i jasnih odgovora od strane ugovornih organa. Fokus će biti na praktičnoj demonstraciji i potencijalnim prednostima u svakodnevnoj praksi.

NAPOMENE & KORISNE INFORMACIJE



Kotizacija

Kotizacija za trodnevni seminar iznosi 349 KM + PDV.

U cijenu kotizacije uključeno je:

- ✓ Sudjelovanje na svim predavanjima (tri dana bogatog programa)
- ✓ Nastavni materijali u elektronskoj formi
- ✓ Materijal za pisanje
- ✓ Uvjerjenje/certifikat o usavršavanju
- ✓ Piće osvježnja u pauzama
- ✓ Ručak u hotelskom restoranu - četvrtak 02.10,

Tombola

U petak, nakon edukativnog dijela programa, slijedi omiljeni trenutak svih naših seminara – tombola s nagradama!

-  Pokloni sponzora Alf-Om d.o.o. Banja Luka
-  Vrijedne knjige Naklade MATE
-  Vikend odmor za dvoje u luksuznom apartmanu Naklade MATE – termin po dogovoru
-  Vikend za dvoje u hotelu Vapore – uživanje uz more i mir

Svaki učesnik automatski učestvuje u izvlačenju – možda baš vi ponesete kući i znanje i poklon!

Rezervacija smještaja

 Hotel Vapore, Neum – spoj vrhunskog komfora i mediteranskog ambijenta.

Smješten tik uz more, hotel Vapore pruža savršenu ravnotežu između posla i opuštanja. Moderno uređene sobe s pogledom na Jadransko more i direktnim izlazom na plažu jamče ugodan boravak, dok elegantna konferencijska dvorana s pogledom na more pruža inspirativno okruženje za rad i razmjenu znanja. Nakon edukativnih predavanja, opustite se uz zalazak sunca, laganu večeru i šum valova – jer kvalitetan seminar zaslužuje jednako kvalitetan ambijent.

 Cijene smještaja na bazi polupansiona (noćenje, doručak i večera):

- Jednokrevetna soba: 190 KM po danu
- Dvokrevetna soba: 270 KM po danu

 PDV je uključen u cijenu.

 **Napomena:** Broj soba je ograničen – preporučujemo da rezervaciju izvršite čim prije kako biste osigurali smještaj po navedenim uvjetima.

 Za sve dodatne informacije o smještaju ili posebne zahtjeve, slobodno nam se obratite putem e-maila ili telefona. Rado ćemo vam pomoći.

Po zaprimanju ispravno popunjenog prijavnog obrasca, Naklada MATE će za Vas izvršiti rezervaciju smještaja u hotelu Vapore i dostaviti predračun za smještaj, kao i predračun za kotizaciju.



Prijava

Prijaviti se možete brzo i jednostavno putem online obrasca ili obrasca u prilogu.

 Popunjen i ovjeren obrazac pošaljite na jedan od sljedećih kontakata:

-  info@naklada-mate.ba
-  naklada-mate@naklada-mate.ba
-  fax: 036/885-057
-

 Broj mjesta je ograničen, stoga preporučujemo da svoju prijavu pošaljete što prije i osigurate sudjelovanje na ovom stručnom i sadržajno bogatom seminaru.

Kotizaciju možete platiti unaprijed na osnovu predračuna koji ćemo Vam dostaviti po zaprimanju prijave.

Za budžetske korisnike i postojeće partnere Naklade MATE omogućeno je i plaćanje po računu, nakon održanog seminara.

